

مجله دانش

س ۱ ۳۰ ۳ ۱ ۳ ۱

والله يهدي من يشاء الى صراط مستقيم ديني . علمي ، ادبي ، سياسي هفته لاق مجموعه اسلاميه در
اتبعون اهدكم سبيل الرشاد

صاحب و مدير مسئول : ح . اشرف اديب

راه عزمنده نه موازنه عمومی سیاسیة نك طوپلری ، زرهیلری ، نه ده
آوروپانك سونیتی چویره بیلیر . بو ایده آل ایله ، بومقدس ومشروع امل
ایله ملت عثمانیه نك نجات جلیه سی ، خواص فطریه سی داهازیده تجلی
آیدر . دوست دشمن قارشولرنده نه متحد ، نه مترقی ، بر قوت اولدیغنی
اگلارلر . بعضاً مادی قوتك ، طوپك ، تفنكك یایه میه جغنی عزم وثبات
یایار . بزده ، ماده اولان نقصانلری میز ا کمال ایدنجه یه قدر بومغوی
قوتك انكشافه چالیشمه لی یز . خصوصیه بو کچیردی کمز زمان ، هنگامه
حرب بوحسك الك زیاده توسع ایده جکی بردوره امتحانیه در . بو غایه
هر عثمانلینك مایه سنده مند مجدر . آنی انكشاف ایتدیرمك ایسه ،
خصوصیه شو دقیقه ده الك برنجی وظیفه ، الك مقدس بر حقدرد .
بو حقایقك لازمکنلر طرفندن نظر دقته آله جغه امیدمز برکالدر .

اندرون هایون معلمی

قولجه لی عبدالعزیز

سیاست

عالم اسلام

انکلتزه - آلمانیا

آلمانیا نك در سعادت سفیری بارون مارشالك آلمانیا حكومتی طرفندن
جلب ایدیلر ك لوندره سفارته تعیین ایدلمه سنی بتون مطبوعات اجنبیه
ومحافل سیاسی طرابلس غرب محاربه سی ایله علاقه دار عد ایدیور .
مشارالیه سفیر جنابلری الیوم قارلسروه ده آلمانیا ایمپراطوری ،
آلمانیا باش وکیلی خارجییه ناظری ایله مذاکره ومداوله افکار
ایده رك لوندرده تعقیب ایده جکی مسلك حقنده تعلیمات آلقده در .
شو تعلیماتك اساسی ، آلمانیا ایله انکلتزه آراسنده بر زمین ائتلاف
واشتراك مساعی تهیه سندن عبارت اولدیغنی هر کس تخمین ایدیور .
بتون حیات ملل اوزرینه اجرای تأثیر ایده بیله جك بویه بر مهم تشبث
ایچون آلمانیا ایشته الك مقدر وأك ذکی عد ایدیلن دیپلماتی مأمور
ایدیور .

شو تشبثك درجه اهمیتنی تقدیر ایچون شوراسنی سویله یه لم كه
بوكون حیات بین الملله مشاهده ایدیلن بتون تزلزلات وترددات
وصلح ومسالت عمومییه دائمی بر تهلكه آلتنده بولندیران باشلیجه
اسبابك منشأی ، آلمانیا ایله انکلتزه آردسنده کی رقابت در .

شمیدیکی آلمانیا آوروپا حكومتلری آراسنده الك صوك تشكك ایتمش
اولان بردولتدر . شو حكومت تشكك ایتدیکی زمان استملاك ایدیله بیله جك
بتون خالی قطعه لر ویا خود کفایتسز ، درایتسز صاحب لری طرفندن
اداره ومحافظه ایدیله مین بتون یرلر ، ده اول تشكك ایتمش اولان
دیكر دولتلر طرفندن ضبط وغصب ایدیلشدی . حالبوكه بر طرفندن

آلمانیا اهالیسك نفوسی ، دیگر طرفندن آلمانیا تجارت وصناعتی دهشتلی
بر صورتده تزیید وترقی ایتمکده ایدی . اهالینك آلمانیا ده بارینه میان فضله سی
بر زمانلر آمریقایه طوغرو هجرت ایدیوردی . فقط بالاخره امریقا کندی
قاپولرینی آلمانیا مهاجرلرینه قاپادی . ایشته بونك ایچوندر كه آلمانیا
حكومتی كرك تبعه سك فضله سنی اسكان ایتدیرمك ، كرك محصولات تجاریه
وصناعیه سنه مخرجلر ، بازارلر بولمق ایچون نه اولورسه اولسون
مستملكات الله ایتیه چالشمغه باشلادی . قارشوسنده هنوز استیلا
ایدلمه مش ، لكن ضعیف ، متزلزل ، همان همان پریشان اولمق اوزره
بولان برقاق حكومات اسلامی بولنیوردی . ایشته آلمانیا حكومتی
ایچون الك صاعلام ، الك قیصه طریق شو حكوماته طوغرو یورومك
ایدی . فقط بوراده مشارالیه قارشو ینه عینی عالم اسلامك بر چوق
نقاطنه مالک ومتبایسنده چوقدن بری کوز دیکمش اولان دیگر
حكومات چیقیوردی . بولردن الك باشلیجه سی انکلتزه ایدی . باطبع
ایجابات ومقتضیات حیاتیه ایله يك دیگرینه قارشو کلمکده اولان شو
ایکی حكومت آراسنده برکون مصادمه وقوع بوله جغنی محقق در .

انکلتزه نك بتون قوتی دکر اوزرنده در . بتون مستملكاتی قوه
بحریه سی ایله محافظه ومدافعه ایدیور . کنیدیسی ایسه مدهش بردونما
طرفندن مدافعه ایدیلن برقاق آله لك اجتماعندن متشکل بردولت اولدیغنی
ایچون باشقه لری طرفندن غیر قابل هجوم واستیلادر . بویه بردولته قارشو
حیقاراق آنكه رقابت ایتك ایچون آلمانیا یه بالخاصه دونماسنی تقویه ایتك
لازم ایدی . فی الحقیقه آلمانیا دونماسك تقویه سنه بتون قوت ودقی ایله
قویولدی ، بر چوق فداكارلقلر سایه سنده آز زمان ایچنده قوه
بحریه سنی انکلتزه دونماسندن صوکره الك یوکسك بر موقعه ترفیع
ایتدیوردی . ایشته بومناسبتله آلمانیا ایله انکلتزه آراسنده تزیید قوای
بحریه اوزرینه بر مسابقه ورقابت آچیلدی . آلمانیا نك هر یکی زرهلیسنه
دره نوطنه مقابله انکلتزه ایکسینی انشا ایتدیوردی .

عینی زمانده آلمانیا انکلتزه نك عالم اسلامده کی نام وشانتی تنزیل
ایتدیردر ك آنك یرینی کنیدیسی طوتمق ایچون مسلمانلری اوقشامق ،
آنلره دوست کوردونمك طریقنی التزام ایتدی . عبدالحمید زماننده
مقام خلافته تقرب ایدر ك آلمانیا ایمپراطوری استانبوله قدر
اجرای سیاحت ایتدی . شو سیاحت اثناسنده یاپیلان دارات
واحتشامات ، ابا ایوب انصارینك مقبره سی اوزرنده ایراد ایدیلن
حساس ومطمنطن نطقلر آلمانیا دولتشك عالم اسلامده انکلتزه نك
یرینی طوتمق ایسته دیکی نیتی تمامیه تظاهرایتدی . فی الحقیقه حكومت
مشارالیه بوکی ده دیگر بعض حرکات وافعال ماهرانه سایه سنده عالم
اسلامده آزر زمان ایچنده بومقام بلندی اخذایتدی . آلمانیا مسلمانلرجه
الك صمیمی ، الك حقیقی دوست عد ایدلمه یه باشلاندی .

لكن آلمانیا نك شو صوك ایکی سنه ظرفنده ابراز ایتمش اولدیغنی
بعض حرکات مسلمانلر ك کنیدیسی حقنده بسله مکده اولدیقلری
[افکار و حسیاته توافق ایتده دی . مثلاً ایران حقنده روسیه ایله اوزلاشرق

تجارت و صنایع نقطه نظرندن اودرجه مقتدر بردولت قائم اولورسه بدیهی درکه آلمانیاك بتون بوامیدلردن واز کچمه سی لازم کله جکدر . اوت ، آلمانیا به آفریقاده بعض مستملکاتک ویریه جکی سویله نیلیور . فقط آلمانیا پک رعنا بیلیور که هنوز بدوی وحتی وحشی بر حیات کچیرمکده اولان شومستملکات دهابرچوق سنه لر آلمانیا خزینه سنه بار اولمقدن باشقه بر اهمیتی حائز دکدرلر . بوکبی مستملکات ایچون آلمانیا ، آسیا کبی واسع وتوکنمز ثروت طبعی به مالک اولان قطعه حقنده بسلمکده اولدینی امیدلردن ، الیوم بیله شو قطعه به وضع ایتمش اولدینی مهم سرمایه لردن ، تشبثادن واز کچمز !

ایشته شو ملاحظات سبیلهدر که بز آلمانیا ایله انکلتزه آراسنده کی ائتلاف تجربه لرینه بر نظر نیک بین ایله باقیورز . فقط بونسکه برابر وضعیتک وخامتی اونوتمه یلیدر ، بوضره عثمانلو دولت و دیپلوماتلری ایچون اک متیقظ بولنق لازم کلن بر زماندر ! ..

احمد آغایف

کریمر مسئله سی :

توضیح حقیقت

— ۲ —

موضوع بحثمز اولان (کولنیش چایتونغ) غزته سنده مندرج مکتوبک بر فقره سنده « مع مافیه کرید حد ذاتنده غائب اولمش ایدی . [حقوق حکمرانی عثمانی نقطه نظرندن] بر طرفدن دول حامیه (فرانسه ، انکلتزه ، ایتالیا و روسیه) یواش یواش حکومت عثمانیه به کریدی ربط ایدن رابطه یی کوشته رک اونو پادشاهک خیالی بر رشته مناسبتی درجه سنه قدر ایندیر مشلر ، دیگر طرفدن یونان حکومتیله دوامی مقرر مناسبت سیاسی و اساسیه یی تأمین ایدیجی روابط متینه تأسیس ایلمشدر » دینیور . شو صاف وحقیقه مقارن اولان اعترافه قارشو محررینه بیان تشکر ایدرز . زیرا بوافاده قطعه یزی دول مستودعه نک ۱۳۱۴ سنه سندنبری تعقیب ایتدکاری خطا آلود سیاستلرینه قارشو هر درلر تنقیداتی یوروتمکه صلاحیتدار قلیور . معلومدر که خاقان سابقک کرید مسئله سنه اثر ضعف اوله رق کوستردیکی مسامحه دول مستودعه یی غایت مساعد بر موقعه اصعاد ایتمشدر . اودرجه که ایتالیا امیرالی (قانه وارو) اوصره لرده بحر سفیدک موازنه سنی کریدک آناختاریله تأمین ایتمک خلیاسنه دوشمش وحتی کرید مسئله مهمه سنک مرکز حلی (روما) به کتیرمک و بناء علیه - انکلیز سیاست قدیمه سنه قارشو - حقوق حکمرانی عثمانی به رومادن اجرای تأثیرات ایتمکه بیله موفق اولمش ایدی . هر کسک معلومیدر که عالم سیاستده اک زیاده موفقیتی تأمین ایدن اسباب « قوت » در . بز اوصره لرده استبدادک زهر آلود تأثیرات منحوسه سیله پک ضعیف دوشمش ، حتی دولت عثمانیه نک دوا ی حیاتی بر طائم سفلی انتریکه لرک حیز آرای حصول اولسنه منوط

کندی منافع اقتصادی سنی تأمین ایتدکدن صوکره روسیه به ایرانده سربستی حرکت بخش ایدی . کذا مراکش مسئله سنده بر چوق کورولتی ، بر چوق ولوله لرده صوکره فرانسه ایله ائتلاف ایدره رک فرانسه دن آلمش اولدینی مستملکاته مقابله مراکش فرانسه طرفندن بلع ایدله سنه مماشات ایدی . شوکبی حرکتلر البته که مسلمانلره وعالم اسلامه القای اعتماد واعتبار ایدره جک ماهیتی حائز دکدی . بوندن بر چوقلری ، دولت مشارالیه نک حسن نیتی ، صمیمیتی حقنده اشتباه ایتمکه باشلادیلر .

شمدی ایسه مسئله عالم اسلامده یالکز قلمش و یالکز کندی موقع و حیاتی محافظه ایدیه یلمش اولان سلطنت عثمانیه اطرافنده جوریلور .

ایتالیانک طرابلس غریبه تماماً مایوس اولارق جزایر بحرسفید صولرینه آتیه مه سی شو مسئله نک میدانه چیقمنسه سبب اولمشدر .

بحرسفید موازنه سی مسئله سی ایله اک زیاده علاقه دار اولان انکلتزه حکومتی بالطبع ایتالیانک شو یکی وضعیته قارشو اوزون بر مدت لاقید قلاماز . ار ، کیج ایشه مداخله ایتمک مجبوریتده بونه جقدر . فقط شو مداخله نه صورتله اجرا ایدیه جکدر ؟ عثمانلورک خیرینه می ، ضررینه می ؟ ایشته شو مسئله صوکره درجه مشکوک بر ردای مهمیت آلتنده قالمقده در . فی الحقیقه انکلتزه افکار عمومی و محافل سیاسی سنده شو صوکره زمانلرده بزه طوغرو بر تمایل مشاهده ایدلمکده در . فقط شو تمایل هنوز بر قطعیت ، بر شکل معین کسب ایده مدی . بهمه حال آلمانیا ایچون شو مسئله یی آکلامق ، اوزرندکی ردای مهمیتی قالدیرمق ، ممکن ایسه انکلتزه ایله اوزلاشمق مجبوریتی حس ایدلمشدر . زیرا باشقه صورتده ایکی حکومت آراسنده شو مسئله دن طولانی مدتش بر مضاربته نک ظهوری اغلب احتمالاتندیر . فقط عجبا آلمانیا ایله انکلتزه آراسنده ائتلاف نه کبی ماهیتده اوله بیلیر ؟ عثمانلورک علیهنه می ، لهنه می ؟

بعضلری علیهمزه اولاجغنی ادعا ایدیورلر . فقط بز بوکا احتمال ویرمیورز . بزم محو و پریشانی مز نه انکلتزه نک ، نه ده آلمانیا نک ، ایجابات منافندن دکدر . فی الحقیقه انکلتزه مستقبلاً قوی ومحتشم بردولت عثمانیه دن متوحشدر . فقط اولاحکومت مذکوره بوراسنی ده اونوتمز که شمذیک بزم موجودیتمز آنک ایچون الزمدر . عثمانلو دولتی بوکون روسیه نک جنوبه وغرب جنوبی به ، یعنی هندوستان یوللرینه طوغرو یوروهمه سنه قارشو بر سد طبعی تشکیل ایدیور . استقباله کنبه بز کندی افعال وحركاتله قوی ومقتدر بر سلطنت عثمانیه نک انکلتزه نک شرقد طبعی وصمیمی بردوستی ومتحدی اولاجغنی اثبات ایده جکمزده شبهه ایتمیورز .

آلمانیا به کنبه شو حکومتک بتون شرق حقنده بسیلهدمکده اولدینی اقتصادی امیدلرک حصولنذر اولمه سی بالطبع عثمانلورک بقا ودوامنه متوقف در . یارین عثمانلورق رینه باشقه بر حکومت ، آلمانیا قدر متری ،